

աղբեր Յակոբայ: 6 Եւ ինքն ի նմին աշխատեալ դեգերեր՝ զինդրելին տեսանել ամանց յապաղութան, առնէր աղաւթս առ Տէր:

7 Արդ իբրեւ էր նա խոնճեալ ի վեր ի դժուարին տեղուցն մաւտ ի կատարն, եւ կարի վաստակեալ էր, ննջեաց նա. եւ եկն հրեշտակ Աստուծոյ, եւ ասէ ցնա. Յակոբ, Յակոբ: 8 Եւ նա ասէ. Աւասիկ, Տէր: 9 Եւ ասէ հրեշտակն. Ահա ընկալաւ Տէր զաղաչանս քո, եւ կատարեաց զինդրուածս քո. այդ, որ կայ ընդ սնարս քո, է ի փայտից տապանակին. ահա բերի քեզ, անտի է այդ. զի այլ մի՛ եւս յաւելցես տեսանել զայն, զի Տէր այդպէս կամեցաւ: 10 Եւ մեծաւ խնդութեամբ յոտն կացեալ, բազում գոհութեամբ երկիր պագանէր Տեառն, եւ տեսանէր զտախտակն՝ իբրեւ զի կացնեալ հատեալ հանեալ ճեղքեալ ի մեծ ինչ փայտից: 11 Եւ առեալ դառնայր անտի, հանդերձ շնորհատուր պարգեւելովն եւ որք ընդ նմայն երթեալք իւրովքն ճանապարհորդ լինէր: 12 Եւ ոչ այնպէս մեծն Մովսէս զուարթագոյն ցնծայր յէջսն սինեական լեռնէն, չասեաք եթէ առաւելովքն պակասագոյն: 13 Քանզի յԱստուծոյ առեալ եւ աստուածագիր հրամանաւք ի բազուկս, այր աստուածատեսիլ ի լեռնէն իջանէր: 14 Այլ վասն վրիժագործ ժողովրդեանն, որոց զթիկունսն ի տէրունիսն՝ եւ կործան յերեսս՝ տիրադրուծք իւրեանցակուռ ծուլելոյն երկիր պագանէին, եւ նովին զհրամանաբերն սրտառուչ սրտաբեկ կացուցանէին: 15 Քանզի ի տախտակացն խորտակելոցն յայտնի երեւեր բերելեացն թաղծութիւն: 16 Իսկ այս երանելոյս, վասն որոյ եւ ճառեալքս յարդարին, ոչ ըստ այնմ արինակի՝ որ անդ գործեցաւ. այլ ինքն իւրովքն լցեալ հոգեւոր մխիթարութեամբ, կարծեալ զընդունելեացն զյաւժարութիւն յուսով դիտաւորութիւն զճանապարհաց ակետաբերաց: 17 Քանզի յայտնեալք եւ ծածկելովք, քանզի միոյն միայն յամենազարեւն առ ամենայն ազգս երկրածնաց շնորհքն մատակարարէին:

18 Ապա իբրեւ զայր բերեր այրն Աստուծոյ զաստուածագործ մեծութեանցն պատուհասին զխրատու՝ որ առ ամենայն ազգս բանաւորաց եւ շնչաւորաց՝ յաւիտենից զնշանակն զփայտն ապրեցուցիչ, զնշանակն հայրենի գործոցն զնոյեան տապանին, ամենայն քաղաքն եւ գաւառքն՝ որ շուրջ էին զնովաւ՝ անպայման եւ անչափ խնդութեամբք եւ ցնծութեամբ ընդ առաջ ելանէին: 19 Իբրեւ զառաքեալ Քրիստոսի իբրեւ զհրեշտակ երկնաւոր տեսեալ զսուրբն, զնովաւ պատէին. զքաջ հովին իւրեանց իբրեւ զաստուածախաւս տեսանէին. եւ զնովիմբ փարեալք, եւ զվաստակասեր զաւգտաբեր զգարչապարացն զշաւիղսն համբուրէին: 20 Եւ զբերեալ պարգեւացն զշնորհս իւրեանց յաւժարութեամբ ընդունէին. որ մինչեւ ցայսաւր նշանակ

1 *Յամենայն օրինակս՝* զթիկունսն տէրունիսն